

pîne

KOVARA QERFÎ Û WÊJYÎ




kovara qerfî û wêjeyî ya nîv mehî 1-15 aġustos (glawêj) 2000 Sayî: 19 500.000 TL

OPERASYONÊN LI SER GIRTÎGEHAN HELWESTA DEWLETÊ DIYAR DIKE!..

Dewletê di du operasyonên dawîn de dozer bi kar anî. Di van operasyonên ku gelek girtî birîndar bûne, piyê girtiyekî jî hatiye jêkirin.

WEYLA!
TÎPA HUCRE
EV E QEY
?...



Rehetîname û Rehetîfiros

Germê îmana we çikand û hêjî diçikîne. Hûn li çareya serê xwe digerin, lê peyda nakin. Bi Xwedê, qet serê xwe pê re neêşînin û bele-sebep neçin ser doktoran, pereyên xwe xerc nekin! Va ye Psikolog Dr. Sosrattîn Facîa ji Pîneyê re çarenameyek şandiye; ew dermanê derdê ser derdan e. Biaqiliyê nekin, bixwînin. Piştî we xwend, wê bayekî hênîk rabe, hûnê herin 'zozanên nîgaşî (Sanal). Fermo kekacan!

1) Rojnameya Yenî Gundemê bistînin û xaçepirsa wê tomar bikin (Silav û hurmet hevalê Fatîh Urek û xwişkêcan Seda Sayan! Almayani oyanm).

2) Ji platform û civînan xwe biparêzin. Dema we navê wan bihîst fir bidin an jî bikevin qulika mişkan!...

3) Rûpelên aboriyê yê rojnameyan nexwînin, lê bi neyar û dijminê xwe bidin xwendin!... Hema ji kuştinê xedartir e!...

4) Ji filmên Medya TV'yê 'Rê û Rê' birevin; bi taybetî jî ji filmên Ūrisan. (Ji kerema xwe re ji Medya TV'yê re naftalîne an jî dermanê mişkan bişînin!...)

5) Qunciknivîsan nexwînin, an na hûnê gêj û sewsî bibin; Kuro îca kî rast dibêje?

6) Beriya berîn û rastiya rastîn 'Surecê degerlendîmîş' nekin, nexwe hûnê ji ber germê biseqitin!...

7) Ji xwe re herin kaseta 'Medya Ensemble an jî Kamkarê' bistînin. Bi tena serî, xwe dirêj bikin û lê guhdarî bikin! Nebêjin ev kî ne, herin lê bigerin! Ji we pê ve hemû dinya nas dike!...

8) Nivîsên Pîneyê nexwînin! (Kovara me li diyaran, rehet li dê û bavê xwendevanan, ji xeynî nivîskar û Beko Ewanên li ber dîwaran!...)

9) Dikira min ji bîr bikira, berî her tiştî li Ecewît guhdarî nekin, an na hûnê bibin mêrkuj!...

10) Li rewşa kurdan, bi taybetî jî têkiliya partiyên kurdan nefikirin!...

Gunehê min bi we tê!... Nekin wê şasiyê!...



11) Dema hûn çûn saziyên kurdan qala zimanê kurdi nekin û bi wê hêviyê neçin, ji ber ku wê kes li dora we nemîne!... (Yalnızım dost-larım yalnızım şimdi...)

12) Heya dawiyê li 'Bêhna Şevê' guhdarî nekin (Yabo ka çeka min, yadê ka destmala min!...)

13) Biçin behrê, lê zêde li der û dora xwe nenihêrin, an na wê kes bi we nikaribe. (Kuro ka wê berçavkê, hinekî ez lê binihêrim! Ez kûçikê ber deriyê te!)

14) Neçin ser kaniyê, bibexşînin, saziyê. Wê kes li siya we nenihêre û hûnê tu qîz û xortan nebînin. (Min tu dîtibû li ser saziyê/ Çav şêrand bi naz û endazyê/ Keçê neke wê nazyê/ Ay lê ay lê sazî wêran!...)

15) Çavê mino, me dermanê beq ji bîr dikir. Tim û tim li Mahmûd Bikî guhdarî bikin, qet jê nemînin! Nexwe hûnê sax û rehet nebin!...



MIJARA BERGA PAŞIYE



SASA

Artêşa Tirkî Li Kibrisê Jî Rehet Nasekine...



Wezaretê dadê diyar kir ku dosyayên kuştaran wan nediyar di lehiyên avê de wenda bûne. 741 dosyayên kuştaran wan nediyar li benda kifşkirinê ne.

Sansûr îro ji wexta Ewdilhemîd bêtir can dişewitîne



MHP di Wezaretê Tendurustiyê û zanîgehê de qadroyên xwe bi cî dixe

Girtiyekî diyar kir ku gava di bin çav de bû, parêzgerê polêsên şence kirine Îlhamî Yelekçi, ji bo ku şenceyê li wî bikin, ferman daye polêsan



Di êrîşa hovane ya li ser girtîgeha Bûrdûrê de, tecawizî jinan kirin. Piyê girtiyekî jêkirin. Pî avêtin ser sergo. Paşê pî di devê kûçikekî de hat dîtin.

TeGoçî?

Zimaneke bi navê kûrdî tûneye **Parlementerê MHP'î yê Stenbolê Bozkûrt Yaşar Ozturk**



Li Girtîgeha Mêrdînê Kurdî Li Girtiyên Ku Bi Tirkî Nizanin, Hate Qedexkirin





TA LI WE BIKEVE

Li NÇM'ê Teatra Jiyana Nû dîsa provayeke bitemaşevan li me qewimand! Bila di navbera me de bimîne, lîstikvaniya wan pir baş bû, tam artist bûn... Amatorî li paş hiştine, êdî bûne profesyonel, mirov ji wan ditirse...

Lîstik ji ber ku sembolîk bû û ez jî ji sembolîzmê fêhm nakim, min jê fêhm nekir, lê dizanim (nexêr nizanîm, texmîn û bawer dikim) ku tiştekî pir girîng e. Ez serfiraziyê ji wan re dixwazim. Hûn jî bixwazin.

Lê mirov ji wan ditirse, ji ber ku ji xwe re kirine adet, piştî lîstika xwe difîzin, derî li temaşevanan digirin û çongê datînin ser zikên wan û dibêjin:

-Ji kerema xwe rexneyan li me bikin (ji we bê û hûn mêr bin, hûn dikarin rexneyên neyînî jî bikin!). Lîstika me binirxînin! Wê rexneyên we rê li ber me veke...

Mirov bi xwe de birî jî dev jê bemaadin. Pêwîst e ku hûn rexneyan (pesnê wan bidin) bikin.

Lê vê carê bivir li kevir xistin!..


Rexnegirekî têra xwe ronakbîr ew peritandin, tola me û we bi zêdeyî ji wan hilda... Bi terzeke zaniyarî û gundiya ew û lîstika wan dahûrand û dahûrand:

-Ji bo ez rê li ber we bixim, ez dixwazim rexneyên xwe bikim. Berî her tiştî, lîstik bi vî awayî nayê nivîsîn (pişt re werin ezê we hîn bikim). We carina got Cûdî heye û carina jî got Cûdî tune. Ev nakokiyekê pir mezin e. Ez dikarim li ser hebûna Cûdî sond jî bixwim... Hûn çima ji bo ku biçin Cûdî keştiyê çê dikin, ji bo çûyina Cûdî ji we re hesp lazim e. Lîstikvanan rista xwe baş nedi-anîn cî (we bigota minê ji bo we bikira Xwedê ji we razî). Tew hevala Yildiz, ew çî sivikahî bû!.. Dema pere dixwest, (yanî ez nizanîm ku çawa bêjim, naxwazim vê peyvê bi kar bînim lê ez mecbûr im) weke qahpikan dikir. Heval, min ev yek yaqîştirmîşî te nekir!..

Rexnegirê me hîn nû li rexneyên xwe sor bûbû, komplo li serê wî gerandin, pê kenîyan, nehiştin gotina xwe biqedîne...

Xwedê nehêle...

BIRA DI XANÇEPEKÊ DE DERBAS DIBE?



EZING

Çêref MUMCU

HEVAL EZ NE YERÛBIM KA JI KEREMA WE RE JI MIN RE CIYEKÎ BAŞ EYARLAMIŞ BIKE...

ANIHA REZERVEYA ME TIJE YE.. ÇI TUNEYE.. KA KEREM KE EM TE BIŞÎNW VÎ ALIYI.. KU VALA BIBE EMÊ GAZI TE BIKIN...



KU EW ZEBEŞ LI GUNIKE MIN KEVE, BI TELAQ WÊ GUNIK BITEQE. Û ÊDÎ JINIK JÎ WÊ MÊREKÎ DIN JI XWE RE BIBÎNE DAWIYA OAWÎN KUYAYE KU EZÊ BIBIM FATIH UREK..



KA TU FRÎKÎKÊ BIAVÊJE Û BINERE BÊ EZÊ DI QELA XWÊ DE ÇAWA BIBIME HÛT...

QONSERA JI BO ALÛKARIYA SEQETAN...

ANIHA EZÊ BI GEPIKÊN WE YÊN XURT GAZI ASSOLÎSTA SEHNEYEN ME BANÛ ALGANÊ BIKIM... GEPIK GEPIK!

SEQ SEQ SEQ!

SEQ SEQ

SEQ SEQ SEQ!

SEQ SEQ SEQ!



JI WEYSOYÊ PÊÇIYÊ SAETEKE DESTAN Û GENTEKÎ TIJE, JI WEHBOYÊ ÇÊÇÎ JÎ COTEK BAZIN Û NÎV KILO BALLY..



HÎH VAYÊ CÎNÊ QEBRAXÊ MIN KIFŞ BÛ. WELLE TE BI XWE DE NE MÎSTA TU CARÎ NE DIHAT HIŞÊ XALTIYA XEZALÊ KU METO DI KIJAN QULÊ DEYE EV ÛSTIKA WE LAZIM E BÊTE XELÂTIKORIN.. ÊDÎ NOBELE, GOBELE EV JÎ MAVE ÎNSAFÂ REYNÊGIRAN.. WÎ EV KECIK ÇAWA XAPANDIYE?.. MIN DIGO QEY EZ TENÊ KER IM!..



EZ JI BER ZILMA LI WELATÊ XWE REVIYAM, LÊ JI ZILMA EMÎN ERBANÎ NEFILÎTÎM. KET BER MIN, MEJIYÊ MIN ŞUŞT. TÊRA DILÊ MIN LI MIN XIST Û GUNÊ MIN TEQAND. BII ZORÊ EZ AVÊTIM STUDYOYÊ. MIN GOT EZBENÎ EZ REŞIK IM, DENGÊ MIN JÎ WEKE YÊ "GERGEDANAN" E, LÊ WÎ GUHDARÎ NEKIR. WÊ GUHDAR JI MIN BITIRSIN Û EZÊ TÊKEVIM XEWNA WAN, WÊ BI XWE DE BIMÎZIN, LÊ EMÎNÊ ME NEGOT NUH NE JÎ GOT PÊXEMBERI!.. AXI!.. GUNIKÊ MIN!..

TÛRKIYE'DE 1/4 DEFA KÛRTÇE POP ABDÛLKADIR



copyright en ii ber bigirîn xwedê bi sirîngayê xwînê ji qûna wan bixîstine

Me berpîrsê ranekirina

OHAL'ê qefalt

Şaredarên kurd nahêlin ku OHAL rabe. Belê xwendevanên hêja we şaş fêm nekîr, me tiştêkî faş got. Lê em bi çavkaniyên xwe yê nediya û bê cih û war piştrast in. Li gorî agahiyên ku ji wê kaniyê wekî lêhiya Ferêt herikîne, ev du car in ku şaredarên kurd ango serokên belediyeyan nahêlin ku dawî li OHAL'ê were; zilamên telaqes û tilyakges, bi dilê geş û simbêlên tewş ber bi welatê xwe bi rê bikevin, ji derdê kurdan rizgar bibin.

Her çiqas me gotibe çavkaniyên nediya jî, emê çavkaniyekê diyar bikin. Ew çavkanî jî wezîrê dewletê yê heyamekê Salih Yildirim e. Vî camêrî da zanîn ku heke şaredarên kurd xwe nedabûna girtin, dewletê dil hebû ku OHAL'ê rake û her derê bike BÛHAL, lê camêran bi darê zorê xwe dane girtin, lewre jî dewletê OHAL ranekirîye. Xuyaye ku mele Selîm di doza xwe de bi ser neketiye, lewre tevî ku wî xwe da girtin jî li Sêrtê dawî li OHAL'ê hat, ew bajarê tokap û checkupê kete nav sînorên BÛHAL'ê.

Tiştêkî ku gotinê Yildirim diselmînin jî, pêşpîvazbiryara MGK'ê ya bo rakirina OHAL'ê li bajarê Wanê ye. Ji ber ku şaredarê vî bajarî xwe nedabû girtin, dewletê biryar hilda û çavên OHAL'ê kil da, berê wê da tinga dîrokê, ew bû gotina çîrokê.

Li gorî agahiyan di warê ranekirina OHAL'ê de xwediyê helwesta herî tûj şaredarê Amedê Ferîdûn Çelîk e. Lewre gira Çelîk li ser kovara Pîneyê gelek e, naxwaze ku OHAL rabe û Pîne bikeve Amedê. Her wiha birêz Çelîk bi vê yekê jî namîne, berê xwe dide kovara me ya qedirbilind û dilberz Kermêşê jî. Li gorî gotina gotindaran Çelîk xebatkarên me 'ayartmîş' dike û çî kesê ku li nûnergeha Kermêşê dest bi xebatê dike, dixê karê şaredariyê. Birêz Çelîk bi vê jî namîne, lê dixebite ku dozê li kovara me veke. Lê waliyê OHAL'ê doza wî qebûl etmîş nake, lewre êdî ew jî naxwaze çar mehên din germa Amedê bikişîne. Ew dixwaze biçê ber Behra Reş, horon tepmîş bike. Li gorî agahiyan, brêz Çelîk û Walî wiha avêtine ber hev:

Walî:

Nabe kekê Ferîdûn nabe

Divê rojek berî rojê rewşa awarte rabe

Divê dilê me jî hinekî şa be.

Ha hîîî...

Beriya Dîjle bi kelek e

Derdê dilê'm gelek e (wekî mesala ornegîn)

Were tu vê bêbextiyê li me neke

Vê doza giran li Kermêşa reben veneke.

Şaredar:

Nabe walî beg nabe

Ew qas bêbextî dê ça be

Kes nikare ji bin vê buxtana Kermêşê rabe

Wele ezê bi serê te kim

Tu qebûl dikî, bike

Ger tu nekî ezê vê dozê li DMME'yê (AİHM) vekim.

Walî:

Wele neke, bile neke

Karê ku tu dikî ne tu çek e

Bela xwe ji Kermêşa reben veke

Ew kovar li vê herêmê tek e

Şaredar:

Ha li wî alî, ha li vî alî

Wisa neke birêz walî

Tu raneke qet wî halî

Qene, bila Kermêş jî neyê vî alî (...)

Ew hevîr hê wê alê hîlîne, lê mixabin cihê me tune.

KEREM KE!

ERTÛG SONMEZ



LOZIN



Haydar IŞIK

ZİNDÎ

Heştêre awê bî, zu (yev) mordem Köln ra MEDYA TV telefon kerd û perskerd. "Nêro bira bira o çiko, sima derde ma kerd ra".

Moderator Qemer Söylemez, vat: Bira qusurde niyamede, ala qeseybike, ma ci derde ko kerde ra?" Nêro bira Qemer zindî çiko? "Kirmançkî de zindî çino".

Ez bawerim na mordemo ke telefon keno û vano, zindî kirmançkî niyo, eve xo însan niyo. Nika qeseykerdene dey mi gosdê, hen rind kirmançkî nêzoneno. Wajîme kirmançkî baş qeseykeno.

İnsan ke rind qeseykerd, iddia bikeru, ez teferuate zon tam zonen, rast niya. A zu, aye bîne kî, na mêrk kot şî dibistan? Kot zone kirmançkî misa ûbî profesore zon?

Qese tirkû esto, vane: "Cahal baxçasında pox biter!" Ez bawerim na mordemo ke zindî zone kirmançkî niyo, vat, çe deyde, qefçiliye bena pir. Nika hem cahilo, hem ji vano ez rind zon. İşte nîyanen zaf tehlikeliye. Dismen nîyanura zaf haskeno.

Ez nivîseno xo de nûsnen ke kirmançkî zarave zone kurdan a. Zu mordem mire E-mail rûsneno ûmira haqaret keno, ez çira niya nûsnen..

Vatena mordema niyanen zazakî, zone serbixweyo û zone uluse zazauno. Dersîm de vane: Heq şero olî re qeseybikero. Nika wazene me nifaq horte millete makere. Nêro zazay kurmanc welatê xo azadkere dima zazay, zazakî, kurmanc kurmançkî û tirk tirkî qeseybikere. Yanî her zarave û her düşünce gereke serbest bivo.


Mi zindî vat, amera mi vîr. MED TV'de program zindî bî û coka ekran de zindî nûsnayvî. Hevale re girs telefon kerd: "Kızım zindî aferim sana, sen bi işi iyi yapıyorsun" vat. Fiqare asimîle bîyo, nêzoneno ke zindî name moderatör niyo. Ez zaf huyio

Cografya ma de her çî asto, qorçî, îtirafçî, xayîn û cahîl. Koke pörüne de cahîlên esto. Ez bawerim birêz serok zaf emek da û xeyle rexistene ma kerd ra. Kare bîn kare ronakbîrunu. Hen bikerîme kukes qesenu niyanu reyna mewazu.

E-mail: Haydar-Işık@gmx.

Xezên Beredayî

Muab SER



ELETEWŞ

Sefer SELVI



2015



MEMED DREWŞ

DIMILIYO WAYIRÊ TORPHIL O

E-mail: mehmet@welat.c

Eke hetanî vizêr jêwerî vatayê karê kurmancan dimilî (zaza) yê kenê, kesî bawer (emel) nêkerdê. Feqet nika hinî kes nêşeno teze pûç vejo. Nezdîyê çehar seran min ro nameya A. Welat de (ebi zora Samî Berbang dimilî nûstê. Tim embazan vatê tiyê dim nûsenê, feqet keso niwisanê to nêwanen. Tiyê bi xo nûsenê û bi xo wenanê. Her çiqas min vatê vatena şîma rast niya, nûstoxê dim tayn ê, wendoxî zaf ê û ê kurmancî jî nûstox ci zaf ê feqet wendoxê ci tayn ê û lazim o ke şîma quncik bidê min jî tim quncikê dês (dîwarê) rojnamî mûsnayê min. Coka min nêşayê kurmancan îkna bikirî.

Feqet bêrê bewnê peynî de vatena min rast vejîyê û kurmancan teza min qebûl kerê. Çike Gerîndeyê A. Welat Samî Tanî verê çîmengan (aşman) min ra vat keso niwisan dimilî nêwaneno (mabenê di Samiyan de şîma esto) û coka iyê rîpela dimilî hewadenê. He çiqas (qandê nê-nûstin) min xo dima jî min nêşa ey îkna bikirî û peynî de A. Welat di rîpela dimilî hewadê. Êê se bikirî Gerîndeyê rojname yo. Senî biwazo wir keno û winî jî kerd. Ez jî mecbûr menda min boxçeya xo arêkerd û şîya.

QALÊ MIN, PIŞTÎ AV
Û ELEKTİRİKÊ FATÛRAYEKE
SOSRET JÎ JI TELEFONA TE
YA BÊRİKÊ RE HATIYE!! EM
DANE ÎCRAYÊ!! KU HETA 3
ROJAN EM RANEZÎNIN
WÊ DERPIYÊ QÛNA ME JÎ
JI ME BIKIN..





HEŞ • BAZ

İMAM CİCİ

Senî ke min boxçeya xo arêkerd şiya û rojname bîniwisê dimilî mend, tîrajê rojnamey jî her hefte bi tayn. Tîrajê rojnamî taynmendina jî nêmend, wendoxanê dimilî (ebi taybetî embaz Tahsînî û embazanê ci) santralê telefon û edresê e-mail'ê rojnamî kilît kerdî. Gerîndeyê rojnamey Samî Tanî goş pa nêki-wit, peyd de gam nêçekerd û reaksiyonê dimilîyan nêwast bivîno. Reaksiyonê wendoxanê rojnamey zey provakasyonê Zazakistaniyan hesabnay. Feqet nê taktîkê ey nêşa vemiya vilêşayina tîrajê rojnamî bigiro. Peynî de wayirê rojnamî M.Nurî Karakoyunî ewna o yo zirar keno û o yo nêşeno perenê xebatkaran jî bido, dest çekerd mesele û mufetîşê xo rîştî rojname û sebebê vilêşayina tîrajê rojnamî tespît kerd.

Goreyê raporê mufetîşan sebebê vilêşayina tîrajî hewadyayina rîpela dimilîya. Wayirê rojnamî M.Nurî Karakoyunî jî tespîtê mufetîşan ca de diyo û jû meng cezayê rojname ra dûrkerdin, dayo Gerîndeyê Rojnamey Samî Tanî û ci ra vato senî kenê biki wendoxanê dimilîyan rê rîpel yan jî rîpelan aki û fina tevayêdo winayin meki. Nê vatenanê wayirê rojnamî ser, Samî Tanî çewtîna xo qebûl kerd û hem Azadiya Welat de jû rîpel dê min û hem jî Kermêş de ez kerda wayirê quncik. Samî yo hinî jû vatena min didi nêkeno û qîmetê ma dimilîyan zano û cayê quncikanê dêsanê rojnamî de quncikanê rîpelanê rojnamî mûsneno min. Feqet nika jî nameyê min vurna û min ra vano "Dimiliyo wayirê torpîl o."

Ev nivîs ji bo Kêrmêşê hatibû nivîsîn, lê ji ber ku Kêrmêş qedexa bû em di kovara xwe de çap dikin.

KU "EW ÎCRACÎ" HATIN VÎ DARÎ
 QÎNA WAN DE RAKIN... KURO
 LEKTİRİK ÇI YE, TELEFON ÇI YE?
 BILA 3000 SAL BI ŞÛN DE
 VERIN. MA QEY ÎSOT KETIYE
 QÎNA WAN QEY YEK HENEKÊN
 QUNIKÊ XWE BI ME
 DIKE?..



NIDOS



MURAD BATGI

muratbatgi@hotmail.com

Qiz Qereci Xatun Olmaz

Gelo kurdên li Ewropayê wê dikarin bibin Ewropî yan jî Ewropî dikarin bibin kurd?

Ji bo em karibin bêjin wê kurd bikaribin bibine Ewropî, dused û pencî milyon şahid divê. Ji bo em karibin bêjin wê kurd bikaribin bibine Ewropî, dused û pencî milyon caran, dused û pencî milyon îspat divê. Yanî di encamê de ji niha û heta sed û pencî salên di pêşiya me de wê kurd nikaribin bibine Ewropî. Îcar kurdên ku li Ewropayê dijîn, wê çawa bi Ewropîyan re li hev bikin? Ji bo ku Ewropî û kurd karibin li hev bikin tenê hêviyek dimîne di destê me de, ew jî, ku Ewropî bibine kurd e.

Kurdên me bi salan li Ewropayê dimînin, lê fêrî zimanekî biyanî nabin. Diçin dîsa xwe fêrî zimanê tirkî dikin. Carinan dema tirkî dibêjin kurd jî perçeyekî me ne û zimanê kurdî jî şeweyeke zimanê tirkî ye, em dikenin. Lê piştî ku mirov kurdên li Ewropayê dibîne û guh dide tirkîya wan a 'delal û xweşik', mirov hêdî hêdî qîma xwe bi vê îddîaya tirkîyan tîne.

Demekê du dostên me yên elman, ji bo ku fêrî zimanê tirkî bibin hatibûn Tirkîyeyê. Bi qasî du mehan, ji bo ku fêrî zimanê tirkî bibin, ders dîtî. Ev her du dost birastî jî dostên kurdan in û dixwazin xizmetê bikin. Min ji wan pirsî: 'Çima ne kurdî, hûn fêrî tirkî dibin?' Ez bi bersiveke gelekî balkêş û trajîk ve rû bi rû mam. Dostên me ji min re gotin: 'ji bo em karibin bi kurdan re bidin û bistînin û têkiliyan bi wan re deynin em fêrî tirkî dibin!' Dîsa, berî çend rojan, di encama lêkolînekê de tê diyarkirin ku, di komaleyên kurdan ên li Ewropayê de ji sedî heştê û şeş bi zimanê tirkî tê axaftin.

Em ji kurdên me bipirsîn, wê bêjin; 'dewletên Ewropî bi darê zorê, me bi zimanê tirkî didine xebardan. Bimre koledarî! Bimre zilma Ewropîyan, bi jî duyarîlixa me ya ji bo zimanê me. Tew... tew... tew....




Yanî ez bêjim qissadan hîsse, ji bo kesek karibe bi me kurdan re têkeve têkiliyê divê fêrî tirkî bibe.

Ji bo ku kesek bixwaze alîkariya me bike divê fêrî tirkî bibe.

Bibihîse ey dewleta tirkî! Da ku kurd li ku derê dinyayê bijîn jî, dîsa li zimanê te bixwedî derdikevin. Bibihîse ey dewleta tirkî! Da ku kurd çiqasî jî te hez dikin. Bibihîse û lotikan biavêje ey Bulent Ecewî! Da ku kurd bi axaftina zimanê te xizmeta polîtîkayên te jî dikin.

Divê dewleta tirkî xelatan bide kurdên ku li Ewropayê dijîn, da ku zimanê tirkî li nava Ewropayê jî bi pêş ve dibin, tew jî tirkîyan bêhtir jî bi kar tînin û bi pêş ve dibin. Ku em li nişên nû yên tirkîyan ku li Ewropayê dijîn binihêrin, emê bibînin ku hîn fêrî zimanê tirkî nebûne. Ma ji kurdên ku dev ji zimanê xwe yên tirkîmakî bernadin dor tê kesekî? Kurd jî xwe hey nabin Ewropî, Ewropî jî nabine kurd, lewre, kurd bi kurdî napeyivin ku Ewropî fêrî kurdî bibin. Tiştên ku dixuye ew e ku tiştên ku Qanunî Siltan Silêman nekaribûye bike wê kurd bikin. Wê kurd Ewropîyan jî bikine tirkî û zimanê xwe yê tirkîmakî fêrî Ewropîyan bikin. Gotinek heye. Dibêjin; 'Qiz qereci xatun olmez.' Bavo, kurd dev ji zimanê tirkî bernadin. Ne tenê li Ewropa û Emerîkayê, li ber agirê dojhê jî wê bi tirkî biqîrin û bi tirkî hesab bidin.



Hûnê niha bêjin ev nivîseke çawa ye? Ka qet hêvî di vê nivîsê de dixuye? Ma hêvî di nav kurdan û di pêşvebirina zimanê kurdî de dixuye ku di vê nivîsê de bixuye? Ma em dizanin hêviyê bidine gelê xwe? Ma ez jî ne kurd im?



PANDOMÎMA TE ÇEKIR BAF BÛ. EZ TE PÎROZ DIKIM. HEKE STENBOLÊ BÛA MEKEME JI TERE DI JIYANA NÛ DE BEŞA PANDOMÎMÊ VEKE...


Cem Şeker

ŞEKİRÊ QULQULÎ



Revhat Arslan

G A B Ū S



QONANS



BISE KURO!

OK!.. EV RUSTEMÊ ZALE EZ XELAS BÛM.

LAB LUP!
LAB LUP!
LAB LUP!

LI MIN DAYÊÊ!..
EV CI YE?
MIN CI GÛ XWAR



TU KÎ YÎ BELA XWE LI QONANS DIXÎ QEWAD!

KEKÊ MIN, TE ŞAŞ FEM KIR. ME BI HEVAL RE GELEMŞEYA KURD NIQAŞ DIKIR.. SOHBETEKE WISA XWEŞ BÛ YAN?



TU HER BISI KEKÊ RUSTEM.. MIN JÎ KARIBÛ LÊ XISTAYA LÊ JI BO DI NAV DESTÊ MIN DE NEMINE, MIN LÊ NEXIST.

DEV JÊ BERDE QONANS!.. MA ME ÇI KIR? MA ME KOJA PINÊ ME QERIMÎ?

DE BI XATIRÊ TE!.. KU SERÊ TE KET TEŞQEÊ XEBEREKÊ BIDE MIN... EZÊ BI HEWARA TE WERM.

BAŞ E KEKOCANI!.. OXIR BE!.. AXIRÊ MIN DI WEXTÊ DE ALI KARIYA RUSTEM KIRIYE. AN NA MINÊ ÎRO ÇI BIKIRAYA...



NETRSE!.. MIN JI TE RE HINEK AV ANI... VEXWE, TU YÊ BISE RHŞÊ XWE DE WERT

HI!!



EM WISA BIVÎ QERPALÎ NIKARIN BIĞIN GUND A BAŞ TU PELE RINA MIN LI XWE BIKÎ

OX!.. REHME LI MIRIYÊNTE BE!



NAVÊ TE ÇIYE ŞERVANO?

NAVÊ MIN QONANS E... BISE EZ GAZÎ HESPÊ XWE BRÛSK BIKIM..

FIV!



LAWKÊ MIN! GAZÎ MIN DIKE.. ÇI LI TE DIQEWIME HELAA! TU ÇI KÛGIKEKÎ DURÛK Î YAW!

HIŞ!.. BAQIL BE A RAST GAZÎ MIN DIKE... XWEŞIK BIAXIVE!



PIŞTÎ KU EZ TE DEYNIM DNÊ EZ VEGERIM GUND. DNÊ EZ BI APÊ MÛSA RE LI SER VAN QEWMINANÛ PEVAJOYA AŞTIYÊ BIAXIVÎM!



BINÊRIIN!! WA QONANS TÊ. KEÇIK JI NAV DESTÊ ESQIYAYAN XELAS KIRNE!.. WERIN.. WERIN!

bidome

Şev baş ey şev!

Pencereya Peyvê



EHMED HUSEYNÎ



Kelehên şevê, yên ji kevirên xilmaşiyê, yên ji awaz û lorînên sergoman, bi rapêrîn û jena lêvên te yên beybûnane dorpêç dibûn û min nedixwest stêrkên çavên te ji hêlîna tîrsa min bifirin, min nedixwest serdemên eşqê bi matmayîna min û te bikenin.

Min çîroka ku di çesnê mirinê de bû, ji pasvanên rewrewkê re hildibijart û min bejna dastana xwe bi sîbera bişîrîna te ya reviyayî dialand.

Min gulistanên zuhabûyî yên xewrevînê, evîna sersom a ji kavilên şewatê, bi ser rakêşana porê te de direşandin û min giyana te ya ji xweliyê bi ser serê xwe de dadikir.

Kelehên reş ên bêrikirina min û te di kuçeyên westana şevistanê de ber bi bêhûdeyî ve wenda dibûn, lê gavên me yên ji raz û efsaneyan ber bi laşê çiyê ve diherikîn û destên me yên mihreban di destê şoreşa dîn de bê dest û sermest diman.

Min ewrên bîranînan di esmanê awirvedanên te de didîtin, lê roavahiya derengmayî helkehelk û pîkoliya sînorên min û te bi bendên xwîn û xatirxwestinê, bi baskên şkestî yên çarenûsê, nîgar dikir.

Tu bi hilatina bîna şevistanê re dihatî û tu di qebqeba dilê min de hil dibûyî..

Ez jî, ji gerdena şevê, ber bi kula şevê ve dihatim û di nêçîra navê xwe de lal dibûm..

Û hespê min ê birîndar cendekê xalê min ê kuştî ji nav mayinan bi xwe re dianî û tembînameya kulîlkên bejî di qêrîna min de dadiçikand..

Ez û tu û hespê sosretê, darbesta ji gulwaz û zersonên bîrê û goristana stêrkên ku ji biskên te bi ser lavlava min de dirijiyân, aniha, li ber pencereya şevê û di qible-nameya şevê de, şevgerîna şûnewaran û şevbuhêrka evînkujan jiber dikin.

De jiber bike ey Goyîne paytextan!

De jiber bike ey ji bermayê bêbextan!

Min lêvên te ji serîhildanê dixwestin, da ku keriyên tozgirtî ji dudiliya pîrsê rizgar bikim û stêrka karwanan di axa pîtanokên te de biçînim. Min destên te ji reşebayê tîrsê dixwestin, da ku rojçêbûna aliyên wêranê û li xwemikurhatin û rojmirina helbestê li ser velerzîna wan bikolim û xelwetgehekê bo gunehkariya xwe li ser kenarên laşê te ava bikim. Min porê te ji desthilatiya nemanê dixwest, da ku pirtûka têkçûnê bixwînim û dapîrên narîn ên ku li ber avê diçûn bibînim û di çemên cegerdar ên hişê te de hîni tobedariyê bibim.

De ey çemên ku di navbera me û himbêzkirina karxezalan de zuha dibin!

De ey kêlikên pêlvedanê yên ku di xuşîna temenê me yê riziyaî de giranbuha dibin!

Şev e ey neviya serberdayî ya binemala şevê!

Bajarê te yê ji çûkan di kirasekî reş de digevize.

Minareyên axînkêşanên te yên ku di sînga min de dengvedidin, reş in.

Berzûrî û hawar hawarên te yên ji mermêra çavliwêmanê, reş in.

Me birîn bi navê Zîna reben aş dikirin, lê goristanên dostan û neçariya dayikên li ber kêlan dihatin bîra me.

Me xewn bi xewnê ve didirût û me gupîtka çiyân bi çiçekên hesret û seferê dixemiland. Me li dîrokê temaşe dikir û em bi hev re digiriyân. Ez û tu, cewiyên şevistana Skandînavyayê û mîratgirên dibistana erênayê, evînbazên bê stran û şehîdên bê şîngirî.

De were rîspiyê gumanê, de were eşqa "Selmayê" ji vê hîva xemgîn re bibêje, de were agirê xewna xwe di dilê min de vemirîne, li ser laşê ciwaniyê zikira bêdeng a Botanê dubare bike û kevokên bendemanê ji riha xwe ya spî ber bi kelehên şevê ve bifirîne.

De were da em bi hev re ji şevê re bibêjin: Şev baş!

Ji xwendekaran re pêşniyarên fakulteyên Zanîngeha Jiyana Nû!...

Ji bo kesên ku di azmûna OSS'yê de bi ser neketine: Pispore vî karî **Evdile Koçer** ji bo we amade kir

Fakulteya Feodalîzm û Feminîzmê

Mêrê feodal piştî xwendina kîjan pirtûkê dibe serjinik û çawa kinc û firaxan dişo?

Keçên feodal di înternetê de bi kîjan "Nickname"î chat dikin û çawa xortan "eyar" dikin?

Li herêma Botan endamê kîjan eşîretê zêdetir feodal in? Feminîstên welêt hêza xwe çawa bi rê dixin? Serokên feodal li wê dinyayê, bi horiyên bihuştê re çawa têkiliyan datînin?

Bersiva van pirsan û pirsên axretê bê lêdan û bê çavdêrxistin bi alîkariya filozofên welêt tê nîşankirin.

Dem: 3 sal fêrkarî, 4 sal hînkari

Mamosteyê Feodalîzmê: Kakacan Ecewît

Mamosteya Feminîzmê: Xaltîka Çîller

Buha: Sê barên makerê ribêsên Çiyayê Botanê

Fakulteya "Rexne û Lêhûrbûnê"

Rexna ku dibe qansêr bi kîjan bêje û hêmayan û çawa tê sazîkirin? Beriya keçrevandinê û şeva ewil a zewacê, mirov çawa lê hûr dibe? Dek û dolabên lêhûrbûnê û rê û rêbazên rexnebarandinê çi ye? Ehmedê Xanî dema ku Mem û Zîn nivîsand, çend rojan lê hûr bû? Evîndar hevdu çawa rexne dikin? Di bin destê "Îluzyonîstên welêt" û civînên "Babaegîtan" de taktîkên rexneyê û lêhûrbûnê bi awayekî zanistî tê nîşandayîn.

Dem: Çar havîn fêrkarî, şeş zivistan şarezakirin

Mamosteyê Rexneyê: Rexnedîne Bêrx

Mamosteyê Lêhûrbûnê: Hûrzedeyê Tiral

Buha: Deh tenûr nanên klor

Fakulteya Taktîk û Stratejiyê

Qonansê Koçeran ji ber kîjan taktîkê, qelî û penêr da Malkoçoğlu û di ku de xeletî kir? Gandî bi kîjan stratejiyê ve çû Hindîstanê û çawa mafê xwe ji Îngîlîstanê stand?

Stratejiya hîlbijartinan û ya civakguherandinê çawa tê lidarxistin? Xweziya stratejîsazên li Îngîlîstanê, ji ber çi di qirika wan de ma? Li rojhilata navîn û rojhilata dûr kurteriyên taktîk û stratejiyan bi delalî tê nîşandayîn.

Dem: Heta ku Tirkî têkeve Yekîtiya Ewropayê

Mamosteyê taktîkê: Hûthûteyê Bêplan

Mamosteyê stratejiyê: Egîde Xwenas

Buha: 80 Elbik xurmeyên Bexdayê

Fakulteya Şivanî û Gavaniyê

Mirov ji ber kîjan sedemê, di bin çêlekê de li gê digere? Keriyên pez, çawa ji refên gur û wawîkan tên parastin? Şivan piştî çend sal şagirtiyê, li zozanan "Master"ê dikin? Mîhrîcana şivan û gavanên welêt çawa tê sazîkirin? Ereb Şemo heta ku pirtûka "Şivanê Kurd" nivîsand çend gur kedî kirin? Ji serayetî heta aqademiya mezin hemû celebên şivanî û gavaniyê, di gomên germ û li zozanên honik de tên fêrkirin.

Dem: Heta ku berxik bibin kavir, karik bizin bizin

Mamosteyê Şivaniyê: Bazê Gumas

Mamosteyê Gavaniyê: Seyfoyê Golîkçî

Buha: Heft roj, li çiyê bêxwarin, raketin

Fakulteya Siyaset û Polîtîkayê

Li OHAL û BÛHAL'ê siyaset çawa tê meşandin? Şaredarên welêt bi kîjan şewazê polîtîkayê dimeşînin? Mirov piştî xwarina çend nanên tenûrê dibe siyasetmedar? Qoriciyên Şimexê ji ber çi dengê xwe didin HADEP'ê? Çend nakokî di navbera krîterên Kopenhagê û frîkîkên Enqereyê de hene? Li Amed, Enqere û Waşîntonê dersên siyaset û polîtîkayê bi zelaî tê hînkirin.

Dem: Heta ku OHAL rabe

Mamosteyê Siyasetê: Feqeyê Bêpeseport

Mamosteyê Polîtîkayê: Platon Bûhazade

Buha: Şeş meh li OHAL'ê jiyîn

Fakulteya Teorî û Pratîkê

Zimanê teorîzedeyên li Ewropa bi kîjan pirsê tê deşîfrekirin? Lenîn, ji ber kîjan pratîkê Stalîn rexne dike? Di navbera teorî û pratîkê de çend gundên şewitî hene. Gelo pratîk kuştina teorîstekî ye, an xwendina pirtûkên wî ye? Bi civîn, konferans û semîneran, bi awayekî zindî dersên teorîk û li qadên Abîde-î Hurîyet, Taksîm, Konak û Kizilayê provayên pratîkî, bê cop û xwîn tê nîşandayîn.


Dem: Beşdarbûna 56 civînan û tevlebûna 29 çalakîyan

Mamosteyê teoriyê: Quredîne Bêzanist

Mamosteyê Pratîkê: Şergoyê

Dirûşmezade

Buha: Belaş e



Fakulteya Dizî, Derew û Xapandinê

Arsen Lupen piştî ku li Dêrika Çiyayê Mazî zeytûn dizî, çima li wê herêmê dibistanek vekir? Pozê Pînokyo ji ber kîjan derewê bû 65 milyon metro? Genên siyasetmedarên li Enqereyê çawa tê dizîn û bi çi awayî tê guhertin? Li Lozanê, dema meclîsa Enqereyê li ser kursiyan derewên polîtîk, li komaleyên

dizan taktîkên diziyê û li wezareta karê derew xapandinên stratejîk dibe, li gorî "Evrîm" a Einstein tê fêrkirin.

Dem: Du heyam perwerdeyî

Mamosteyê diziyê û derewan: Siloyê Şivan

Mamosteyê xapandinê:

Smalê Cem Xopînok

Buha: Çar selik zêrên "Erbekan".

Kovara panzderojî (Onbeşgünlük Dergi)

■ Xwedî (Imtîyaz Sahibi) **M. Nuri Karakoyun**
 ■ Lijneya Weşanê (Yayın Kurulu):
Mazlûm Doğan, Doğan Güznel, İmam Cici
 ■ Berpîrsiyarê Karê Nivîsaran
 ■ (Yazı İşleri Müdürü) **Abdullah Pekedis**
 ■ Navnîşan (Yönetim Yeri) **İstiklal Cad. Ayhan Işık sokak.19/1 Beyoğlu/ İstanbul**
 ■ Tel: (212) 292 72 70
 ■ Fax: (212) 251 95 85

■ E-Mail: pinedank@hotmail.com
 ■ Kargerî (İdare) (212) 251 79 37
 ■ Çapxane: **Aspaş Matbaacılık**
 ■ Yayın Koordinasyon
Ada Basın ve Yayıncılık San. Tic. Ltd.Şti.
 ■ Belavîrin **BİRYAY Dağıtım**
 ■ Nûmergeh: Edene: (322) 351 42 78
 ■ İzmîr: (232) 446 19 50 Mîrsîn: (324) 237 66 40

ZAROKNO! MİRZE MIHEMED BI HAWARA WE VE HAT!

DÊ Û BAVÊN ZANA!..

Çîrok mamosteyê herî hêja û xwînşêrîn e!

Zarokên xwe bi çîrokên kurdî razînin!

Tatîl bi çîrokan xweş û geş e!

ZAROKÊN NO Û NETEBAT!..

Guhê dê û bavên xwe qul bikin, pirtûka we derket!

Mîrze Mihemed zora Hîmen jî zora Pokémonan jî dibe!

WEŞANÊN WELAT

Ji belavkarên Azadiya Welat û Pîneyê bixwazin.

Tel: (0-212) 251 90 13, 251 79 37 – Fax: (0-212) 251 95 85

Welat derket



Li hemû bayiyan e.



BELEDIYA AMEDÊ TIRKÎ HÎN DIKE!..

Di kûrsên ku di sala 95'an de ji aliyê Yekîtiya Ewrûpayê ve hatiye fînansekirin niha bi destê Belediya Amedê tirkî tê hînkirin.



MAMOSTE CAN
MIN RAST
NIVÎSIYE GELO
?...

LA HAWLE BEJA!
EM LI DEREKÊ
GEWTIYÊ DIKIN BI
YA MIN...
LÊÊÊ!...

TÛRKÇE

NE MUTLU
TÛRKÛ

ŞEEQ!

cici